

61

THRENODIA

Super

IMMATURO OBITU

VIRGINIS

NOBILITATE GENERIS ET VIRTUTUM
SPLENDORE ORNATISSIMÆ

ELISABETHÆ,

NATAL.

RYSSOPIÆ,

Anno 1685. die 4. Novembris
honestissimè natæ,

Anno 1706. die 10. Augusti ex hac tristi lacrymarum valle
in cœlestem æterni Regni gloriam placidissimè evocatæ,
& die 13. p. m. in Æde Mariana
honoriscentissimè humatæ,

Luctus & debiti honoris ergo scripta

à

PROFESSORIBUS GYMN. THORUNIENSIS.

THORUNI,

Excudebat Johannes Conradus Rügerus, Nobiliss. Senatus & Gymnasij
Typographus.

Major felicitas est poli, quam soli :

Hieron. in Cap. V. Matth.

προσφάντης ad beatè defunctam Virginem.

Quod Patre cordato genita es, quod Matre
decorata,
Est magnum generis lumen utrumque
tui.

Quod Tibi forma decens fuerat, quod grata ve-
nustas

E facie luxit luminibusque simul;
Fortunata quidem poteras felixque putari,
Atque tenere bonas prosperitatis opes:
Fortunata tamen magis es, *Lectissima Virgo,*
Cœli divitias quod super astra tenes.

Quod Te non urunt culpæ, quod justa, quod
infons,

Flumine lota sacro, Flamine plena sacro.

Quod Tibi Sancta Trias genitor, quod Mater
Olympus,

Quodque Tibi frater Filius ipse DEI.
Hoc ipso es felix, hoc fortunata. Quod autem
Mors Tibi crudeles intulit atra manus.

Hoc rursum poteras infortunata videri

His, quibus à vera mens aliena fide.

Sed quos irradiat divini jubaris astrum,
Et divi Verbi pagina sancta docet

Te fortunatam, Te dicimus esse beatam,
Elisabetha pii portio chara chori.
E mundi tenebris ad lucida tecta volasti
Nescia curarum, nescia tristitiae.
In gremio Patris nostri pulcherrima ludis,
Dulcia qvin Sponsi conspicis ora tui.
Hæc ad cor imitant solatia firma, qvibus nunc
Nil prodest luctus, nil lacrymæqvè valent.
Si vel divitias orbis totius haberet
Virgo beata, illas temneret ore sacro.
Lugentes igitur inœstum deponite vultum,
Filia vestra *soli*, Filia facta *poli* est.

*Inter concatenatos labores piæ memoriae
ergo deprop.*

M. MARTINUS Böhm.

Esa. XL. v. 6. 7.

Vox dicens, prædica, etiam dicit, qvid prædicaturus sim:
omnem carnem esse gramen etiam omnem benignitatem ejus
similem esse flori agri. Exarcescit gramen, decidit flos,
qvum Spiritus Jehovæ perflat ipsum. Conf. Psal. XC. v. 6.

Tempus adest, quo divinorum dicta Virorum
Eventus certus vera fuisse probat.
Vox fuit ista DEI qvondam sanctique Prophetæ:
Est omnis flos & gramen inane caro.
Decidit appensus flos, exarescit & herba:
Deficit omnis odor, tollitur omne decus,
In campis calido cum latrat Sirius astro,
Vel Notus adversâ prælia fronte gerit.

Sunt

Sunt homines herbæ teneræ floriqve caduco
Molle qvoad corpus conditione pares.
Est homini siqvidem qvandoqve brevissima vita,
Certius ast hoc in corpore morte nihil.
Decidit ut campi flos, exarescit ut herba,
Qui se crediderat vivere posse diu.
Virgo fidem faciet dictis; qvæ morte perempta
Maturè rigida contumulatur humo.
Flos fuit hæc, virtutum sat splendore corusca,
Huic cordi curæqve fuit nil pietate magis.
Damnabat mundi luxum, consortia prava,
Sirenum cantus, delicias vetitas.
Gratus Ei solum vultusqve habitusqve verendus,
Hinc ingratus erat fictus ab arte mala.
Obseqvio Videlas Aviam Matremqve colebat,
Ambarum fulcrum ritè futura diu.
At nunc deplorata jacet spes omnis in urna:
Vota tot evertit mors inopina simul.
Decidit ut vernalis flos in flore juventæ,
Aruit ut gramen Virgo pudica, pia.
Nobilior longè tamen Hæc est floribus agri,
Altera queis nunquam vita vigorqve datur.
Hæc autem rursus Christo inclamante resurget,
Et novus ex proprio pulvere surget homo.
Qvapropter nimios *Lugentes* ponite luctus,
Si mortem ad vitam creditis esse viam.

L. p.

M. MARTINUS BERTLEFFIUS,



113489